

水經注疏要刪卷二十三

宜都楊守敬撰

陰溝水

注右瀆東南逕陽池城北

右一

熊會貞曰按作陽池是也元和志原武縣下古陽池城竹書紀年曰惠王十五年遣將龍賈築陽池以備秦卽此也開皇六年于此置原武縣趙戴不詳考憑臆改作陽武疏矣

注郭景純曰大水溢出別爲小水也

右二

爾雅郭註本作溢出別爲小水之名是原本不誤戴氏乃刪改之何耶

川〇七

要刪卷二十三

一

陰溝水

注呂忱曰洵過水也

右二

說文云洵過水中也中字誤或謂當作出豈所見本已誤故舍之而引字林然爾雅本謂自渦水出者爲洵非謂渦卽洵也此引字林恐亦有脫誤

注祖爲縣獄吏 于公爲里門

右三

虞詡傳縣上有郡字爲里上有高字此脫

注封侍中摯填爲侯國

左三

摯填檢范書未得當在華薛謝袁書中

注郡國志曰春秋之相也

左三

春秋時相地不見經傳郡國志當據邊韶老子碑

注過水又東北屈至賴鄉谷水注之

左三

熊會貞曰趙戴於鄉下增西字非也下言谷水逕賴鄉城南東入過水則過水當亦逕賴鄉南不得逕其西也玩注意亦不必增字

注遣宦臣管霸祠老子

左四

按後漢書桓帝紀延熹八年正月遣中常侍左悺之苦縣祠老子十一月又使管霸祠老子名勝志作左悺若以碑立於八月則當作左悺

注是陳相魯國孔疇建和三年立

右五

見魏志倉慈傳

川の三

要刪卷二十三

二 陰溝水

注廟東院中有九井焉

右五

郡國志補註引伏滔北征記賴鄉有老子廟廟中有九井井水相通

注魏立譙郡沅州治

左五

沅州卽兖州晉志魏武帝分沛郡立譙郡按後漢兖州治山陽魏晉兖州治廩丘後魏兖州治瑕丘而譙城則爲後漢豫州治地形志南兖州正光中置治譙城然則此當云魏立譙郡皇魏南兖州治以別於曹魏之置郡

注有譙定王司馬士會冢

左六

晉書譙王遜傳子定王隨立薨惠帝紀隨薨於太
安元年正月庚子不詳其官位以此云士會證之
其卽定王隨無疑可補晉書之闕

注都督揚州

右七

趙戴改揚州按古書揚揚錯出不當改

注魏太和中為潁州治

左七

元和志云魏潁州理山桑城據渠水注及下文山
桑縣在潁水北若潁州理山桑城則潁水不得經
其北矣

汧水

要刪卷二十三

三

陰溝水 汧水

注河濟水斷汧承旃然

左九

濟水篇引京相璠言卞水在敖北者就河濟未斷
時言也

注陳留風俗傳曰秦之穀縣也

左三

郡國志考城故菑注引陳留志云古戴國與風俗
傳不同段玉裁曰風俗傳無稽之言

注沙陽亭是也世以為堂城非也

右三

今本春秋釋例作沙隨亭又集解注梁國寧陵縣
北有沙隨亭然則此注本作沙隨亭 名勝志作
世以為堂陽城無非也二字

注號信陵君其地葛鄉卽是城也

左三

史記信陵君列傳索隱曰地理志無信陵或是鄉邑名而不知水經注已明載信陵之封在葛鄉酈氏博極羣書必非無據索隱雖間引酈書而不能詳證故多疏漏按正義於春申君傳云四君封邑檢皆不獲唯平原有地又非趙境並蓋號諡是為得之

注在寧陵縣四十里

左三

熊會貞曰朱箋四一作西趙戴據改作西非也按上文沙隨亭在寧陵北汭水逕沙隨亭後東逕黃

要刪卷二十三

四 汭水

蒿塢斜城周塢又東逕葛城安得謂葛城反在寧陵西耶此注乃四上脫東字耳春秋地名考畧引注正作在寧陵東四十里

注漢熹平君所立

左三

全氏謂錢遵王本熹平下有中某二字此全氏見錢遵王宋本之證又與朱氏所稱宋本不同然則趙氏每疵朱箋之宋本不足據亦過矣

經又東至梁郡蒙縣

右四

兩漢並為梁國而此書汭水雒水睢水經文並稱梁郡趙氏雖疑之而未能詳其故余按魏志太和

六年元城王悌改封梁王是魏自太和以後亦爲梁國而盧毓傳爲梁郡太守時在魏初又考後漢書獻帝紀獻帝禪位諸皇子皆降列侯是魏自受禪後已除國爲郡水經作於三國時已有定論據此一事則作於魏初更爲確證矣

經爲濰水

右十四

此卽說文所云睢陽有雒水也朱趙作濰大典本作睢並以形近致誤而濟水篇濟水又東過彭城北雒水從西來注之尙不誤戴氏乃據誤本漢志盡改作獲至孫星衍據說文定爲雒水煥若神明

要刪卷二十三

五 汭水

孫氏校此書十誤八九獨此條使我心折

注惟睢陽城南側有小水南流入于睢

左十四

熊會貞曰此小水蓋卽睢水篇之明水

注睢陽公子

右十五

睢陽公無考將謂橋立乎然立未封睢陽公豈本傳略耶

注漢鴻臚橋仁祠

右十五

橋仁見前漢書儒林孟卿傳字季卿

注皇甫謐以爲考之事實學者失之

右十五

自皇甫士安立此說而故書雅記皆可疑馮山公

景云按竹書夏桀十五年湯自商邱遷於亳則葛之爲鄰當在偃師未遷之先遷於西亳必在葛征既始之後如此解則書序孟子皆不相妨矣

注大司空史卻長卿

左十五

皇覽作御史長卿索隱云長卿諸本多作劫姓按風俗通有御氏爲漢司空御史其名長卿明劫非也按司空下不得有御史此注作司空史是也卻劫尤形近司馬氏未檢及此故臆定爲御

注今徵之迴渠亭有湯池徵陌是也然不經見難得而詳

左十五

要刪卷二十三

六 阪水

史記六國表湯起於亳集解徐廣曰京兆杜縣有亳亭與皇覽說同

注劉向言殷湯無葬處爲疑

左十五

見漢書楚元王傳

注梁國蒙縣北有薄伐城

左十五

杜氏釋例作亳城無伐字

注其西有箕子冢

左十五

寰宇記亦云箕子冢在宋城縣北四十一里三十步古蒙城內按箕子封朝鮮似不得有冢在此

注呼採薪孺子伊永昌曰

右十六

永昌邕集本作禿謂御覽亦作禿

注勿得取吾墳上樹也

右六

邕集作爾勿復取吾先人墓前樹也御覽引無先人二字 集本蓋據下文實真人之祖先增此二字然碑題只云仙人王子喬則先人二字非也祖先當是始先之義

注或覃思以歷丹思

右六

朱箋云思當作田是也田與思形近且與下先字韻惟歷字尙未愜耳

注奉犧牲致禮祠濯之敬肅如也

左六

要刪卷二十三

七 汲水

邕集作奉犧牲以致祀祇懼之敬肅如也與一本合全氏謂隸釋臆改祇懼非也

注王璋字伯義

左六

邕集亦作伯義隸釋同義未必訛趙據黨錮傳改作儀亦專輒

獲水

注宋大水丹水壅不流蓋汲水之變名也

右七

此等考證非酈氏之精識何克臻此

注有漢故繹幕令匡碑

右七

匡上當有魯字

注楚考烈王滅魯頃公亡遷下邑

右十八

魯世家楚考烈王滅魯頃公亡遷於卞邑徐廣卞作下與此合索隱以國外小邑解之非也

注呂后弟周軍於下邑 從周軍

右十八

全氏謂是呂后兄且是周呂侯名澤戴氏據改按弟字誠誤漢書注蘇林曰以姓名侯則是謂呂姓而周名也酈蓋從蘇說不必改

注卽殷大夫彭祖之國也

右三

彭祖是三代上人老彭是殷人漢書人表列彭祖第二老彭第三明爲二人而高誘注呂子乃合爲

要刪卷二十三

八獲水

一人酈氏於此言殷大夫彭祖後文又據世本稱陸終之子三曰彭祖是合老彭彭祖爲一人以其綿壽八百故言其宅其國其冢皆在彭城戴趙據人表改此爲老彭是以彭城爲老彭之宅得名又何以解後文彭城亦以彭祖之國得名耶

注舊名江陵爲南楚陳爲東楚彭城爲西楚

右三

高祖本紀項羽傳注并引陳俱作吳對吳言故彭城爲西楚若陳則在彭城之西南矣陳字誤無疑

注彭城故東楚也項羽都焉謂之西楚

左三

春秋時楚東界至彭城故爲東楚項羽并吳故稱

彭城爲西楚

注咸曾爲楚相也

左三

按袁安傳拜楚郡太守非相也酈氏蓋渾言之徐庶爲楚相無考

注冠軍將軍彭城劉公之子也

右三

宋書彭城王義康傳初爲冠軍將軍豫州刺史又領司州刺史進督徐州之鍾離宋徐州治鍾離然之字也字當衍